



SURAT EDARAN PENTADBIRAN
BILANGAN 6 TAHUN 2021

**SUMBANGAN PENJAWAT AWAM
MELALUI PENGURANGAN ELAUN DALAM
MENDEPANI PANDEMIK COVID-19
DI UNIVERSITI TEKNIKAL MALAYSIA MELAKA**

Pejabat Pendaftar

9 Julai 2021 | 28 Zulkaedah 1442H

Disalinkan kepada:

Naib Canselor

Timbalan Naib Canselor (Akademik dan Antarabangsa)

Timbalan Naib Canselor (Penyelidikan dan Inovasi)

Timbalan Naib Canselor (Hal Ehwal Pelajar)

Penolong Naib Canselor (Jaringan Industri dan Masyarakat)

Penolong Naib Canselor (Pembangunan dan Pengurusan Fasiliti)

Pegawai-Pegawai Kanan

YDP Majlis Perwakilan Pelajar

UNIVERSITI TEKNIKAL MALAYSIA MELAKA

UTEM100-1/3/3 (6)

9 JULAI 2021
28 ZULKAEDAH 1442H

SURAT EDARAN PENTADBIRAN BIL. 6/2021

SUMBANGAN PENJAWAT AWAM MELALUI PENGURANGAN ELAUN DALAM MENDEPANI PANDEMIK COVID-19 DI UNIVERSITI TEKNIKAL MALAYSIA MELAKA (UTeM)

Surat Edaran Pentadbiran ini dikeluarkan untuk memaklumkan kepada semua staf Universiti Teknikal Malaysia Melaka (UTeM) berkenaan pemakaian Surat Edaran Ketua Setiausaha Negara Malaysia, JPA(S) 63/168/1 Jld.3 (4) bertarikh 1 Jun 2021 **(Sumbangan Penjawat Awam Melalui Pengurangan Elaun Dalam Mendepani Pandemik COVID-19)**. Mesyuarat Lembaga Pengarah Universiti (LPU) Bil. 3/2021 yang bersidang pada 5 Julai 2021 telah bersetuju untuk menerima pakai dengan pindaan Surat Edaran Pentadbiran ini dan seterusnya dilaksanakan di UTeM.

2. Sebagaimana kita sedia maklum, negara kini berdepan dengan cabaran kritikal disebabkan penularan wabak COVID-19 yang berpanjangan telah memberikan kesan kepada seluruh rakyat Malaysia.

3. Sehubungan dengan itu, sebagai tanda kebersamaan penjawat awam dan staf Universiti Teknikal Malaysia Melaka (UTeM) dalam menyokong usaha Kerajaan bagi menangani keadaan semasa, adalah diputuskan supaya staf UTeM iantikan tetap dan kontrak yang sedang berkhidmat turut menyumbang ke dalam Akaun Amanah Bencana melalui pengurangan Imbuhan Tetap Keraian (ITK) atau Imbuhan Tetap Khidmat Awam (ITKA).

4. Pengurangan sebahagian Imbuhan Tetap Keraian (ITK) dan Imbuhan Tetap Khidmat Awam (ITKA) adalah mengikut kadar dan tempoh seperti berikut:-

GRED	KADAR SUMBANGAN	TEMPOH
i. Gred Utama A/Gred Khas A dan setara ke atas	50% daripada ITK yang diterima	Julai, Ogos & September 2021 (tiga bulan)
ii. Gred Utama/Gred Khas B dan setara	20% daripada ITK yang diterima	
iii. Gred Utama C/Gred Khas C dan setara	10% daripada ITK yang diterima	
iv. Gred 43 - 56 dan setara	5% daripada ITK/ITKA yang diterima	
v. Gred 29 - 42 dan setara	RM10.00 daripada ITK yang diterima	

5. Pihak Universiti menerusi Pejabat Pendaftar dan Pejabat Bendahari akan melaksanakan pengurangan ITK atau ITKA staf mengikut kadar sumbangan dan tempoh berdasarkan ketetapan di Perenggan 4. Pengurangan elaun dilaksanakan berkuat kuasa Julai sehingga September 2021 dan diproses secara bulanan.

6. Walau bagaimanapun, bagi tujuan pengiraan faedah persaraan untuk staf yang **bersara** dalam tempoh ini, kadar ITK dan ITKA asal akan diguna pakai dan tidak akan menjejaskan pemberian faedah persaraan di bawah Akta Pencen 1980 atau Akta Pencen Pihak- Pihak Berkuasa Berkanun dan Tempatan 1980.

7. Pelaksanaan ini **dikecualikan** kepada **Anggota Barisan Hadapan (frontliners) UTeM merangkumi petugas-petugas Kesihatan dan bukan Kesihatan yang terlibat secara langsung dalam membendung dan mengawal wabak COVID-19** tertakluk kepada pengesahan Ketua Pusat Tanggungjawab masing-masing. Anggota Barisan Hadapan **(frontliners)** UTeM adalah ditakrifkan seperti berikut:-

- i. Staf dalam skim perkhidmatan Perubatan dan Kesihatan (U) Gred 29 atau setara dan ke atas; atau
- ii. Staf dalam skim perkhidmatan Keselamatan dan Pertahanan Awam (KP) Gred 29 atau setara dan ke atas; atau
- iii. Staf dalam pelbagai skim perkhidmatan (termasuk jawatan giliran Pengetua dan Felo Kolej Kediaman) yang melaksanakan skop tugas menjaga kebajikan/kesejahteraan pelajar yang menginap dalam kampus atau luar kampus.

Sekian, terima kasih.

“PRIHATIN RAKYAT: DARURAT MEMERANGI COVID-19”

“BERKHIDMAT UNTUK NEGARA”

“KOMPETENSI TERAS KEGEMILANGAN”

Saya yang menjalankan amanah,



MASDZARIF BIN MAHAT
Ketua Pegawai Operasi
Universiti Teknikal Malaysia Melaka